

# A · I · R · E   A · M · H.

rann a thug an Tighearna dhoibh?

8 Mar fo rinn bhur n-aithreacha, 'nuair a chuir mi iad o Chades-barnea a dh'amharc na tìre:

9 'Nuair a chaidh iad suas gu gleann Escoil, agus a chunnaic iad am fearann, thug iad mímhisneach do chridhe chloinn Israeil, a chum nach rachadh iad a steach do'n fhearann a thug an Tighearna dhoibh.

10 Agus las corruich an Tighearna 'fan àm sin féin, agus mhionnaich e, ag ràdh,

11 Gu cinnteach cha 'n fhaic a h-aon do na daoineibh a thàinig a nìos as an Eiphit, o fhichead bliadhna dh'aois agus os a cheann, am fearann a mhionnaich mi do Abraham, do Ihuac, agus do Iacob, a chionn nach do lean iad mi gu h-iomlan;

12 Saor o Chaleb mac Iephuneh an Ceniseach, agus Iosua mac Nun: oir lean iadfan an Tighearna gu h-iomlan.

13 Agus las corruich an Tighearna 'an aghaidh Israeil, agus chuir e air seacharan<sup>a</sup> iad 'fan fhàfach dà fhichead bhliadhna, gus an deachaidh as do'n ghinealach sin uile a rinn olc 'an fealladh an Tighearna.

14 Agus feuch, tha sibhse air éirigh suas 'an àite bhur n-aithreacha, gineal dhroch dhaoine, a mheudachadh fathast mòr chorruich an Tighearna re h-Israeil.

15 Oir ma thionndadhas sibh air falbh o leantuinn-fan, fàgaidh e fathast uair eile 'fan fhàfach

iad, agus fgrìofaidh sibh an sluagh fo uile.

16 Agus thàinig iad am fagus da, agus thubhairt iad, 'Fogaidh sinn mainnirean chaorach 'an fo d'ar spréidh, agus bailte<sup>b</sup> d'ar cloinn bhig.

17 Ach théid sinn féin deas-armaichte roimh chloinn Israeil, gus an d'thoir sinn iad d'an àite: agus nì ar clann bheag còmh-nuidh 'sna bailtibh daingnichte air sgàth<sup>c</sup> luchd-àiteachaidh na tìre.

18 Cha phill sinn d'ar tighibh gus an fealbhaich clann Israeil gach duine dhiubh oighreachd féin:

19 Oir cha fealbhaich sinne maille riu - fan an taobh eile do Iordan, no thall o sin; a chionn gu'n do thuit ar n-oighreachd dhuinne air an taobh fo do Iordan a làimh na h-aird' an ear.

20 Agus thubhairt Maois riu, Ma nì sibh an nì fo, ma théid sibh fo'r<sup>d</sup> n-armaibh roimh an Tighearna gu cogadh,

21 Agus gu'n d'théid sibh uile armaichte thar Iordan roimh an Tighearna, gus am fuadaich e mach a naimhdean as a làth-air,

22 Agus gu'n ceannfaichear<sup>e</sup> am fearann am fianuis an Tighearna; 'na dhéigh sin pillidh sibh, agus bithidh sibh neo-choireach 'an làthair an Tighearna, agus 'an làthair Israeil, agus bithidh am fearann fo 'na sheilbh agaibh am fianuis an Tighearna.

23 Ach mur dean sibh mar fo,

<sup>a</sup> iomrell, allaban.  
<sup>e</sup> ceannfaichear.

<sup>b</sup> caithriche.

<sup>c</sup> o aghaidh. Eabh.

<sup>d</sup> fuaidh ar.